

# Ut ne Riethall warrt een Danzsool

**DORUM.** Wat man ut ne Riethall nich allens moken kann – sogar een Danzsool. De Hall vun 'n Wurster Rietverein is för de Jubiläumfiern fein herricht un torecht mokt worrn. In de Mitt vun de Hall, de veertig mol twintig Meter meten deit, is de Bodden mit Breder utleggt worrn. Dor schöllt de Lüüd op danzen. An beide Sieden is de Bodden mit Rasen utleggt worrn. Do ward Dischen un Stöhl ropstellt. Do schöllt de Gäst sitten un düchtig fiern. An een twintig Meter lange Theek giff dat wat to drinken, un vör de Hall ward ok noch een Beerwagen opstellt. In eene Eck vun de Hall giff dat ok ne Sekt- un Cocktailbar. All Gäst schöllt bi 't Jubiläum to ehr Recht kamen. De Hall ward an Sünnavend so voll, dat de Musikers kuum Platz finnen doot. Wenn 't Weder mitspelen deit, könnt de ok buten Musik moken – denn kann 'n sik in de Hall ok ünnerholen. (jm)